

近代中國史料叢刊第九輯  
沈雲龍主編

秋浦周尚書（玉山）全集

周馥著

文海出版社印行

## 說 明

民國十年（一九二一）辛酉九月，前兩廣總督周馥歿於天津，距生於清道光十七年（一八三七）丁酉，年八十五。

馥，字玉山，安徽建德（今秋浦縣）人，起家寒素，受知於李鴻章，始以軍功列保舉，漸擢至封疆。逝世之日，清遜帝溥儀尙居舊京深宮中，特頒諭賜祭，予諡「愨愨」。翌年春，其家人裒集周氏奏稿、電稿、公牘、詩文、年譜等，梓以行世，名之曰「周愨愨公全集」，所涉及近代史資料者至夥。惟民國建元，而仍以僞諡爲重，此自爲「遺老」眷戀前朝之心理，殊爲有識者所難苟同。

清制：總督例加兵部尙書銜。光緒三十二年（一九〇六）丙午，更定內閣官制，改兵部爲陸軍部，仍設置尙書如故。次年，周氏卸粵督任，自是優遊林下，以迄疾歿，未再出仕。茲以影印原書，爲之易名「秋浦周尙書全集」，庶幾名實相副而不與時代乖違，諒亦博雅君子之所許可也。

周愨慎公全集卷首目錄

清廷諭旨

清廷諭賜祭文

清廷御製碑文

國史本傳

南北洋請建專祠呈

陸海軍將帥應昌等

大總統指令

第五百十五號

直隸請在天津建立專祠呈

直隸士紳李士鈇等

山東請在濟南建立專祠呈

山東督軍兼署省長田中玉

安徽請入祀秋浦縣鄉賢祠並建專祠呈

安徽省長許世英

內務部核議直隸山東安徽建立專祠並入祀秋浦縣鄉賢祠呈

內務總長高凌霨

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



大總統指令

第一百二十八號

安徽請在安慶建立專祠並入祀省城鄉賢祠呈

安徽省長許世英

內務部核議安徽建立專祠並入祀省城鄉賢祠呈

內務總長高凌蔚

大總統指令

第六百四十七號

江蘇請在江甯建立專祠呈

江蘇省長鄭謙

內務部核議江蘇建立專祠呈

內務總長龔心湛

臨時執政指令

第一千三百七十八號

神道碑銘

桐城馬其昶

墓誌銘

天津趙芾

墓表

桐城陳澹然

行狀

山東祠堂碑

襄平趙爾巽

山東祠堂碑

膠西柯劭忞

天津祠堂碑

天津徐世昌

天津祠堂碑

天津嚴修

安慶祠堂碑

合肥龔心湛

安慶祠堂碑

桐城馬其昶

秋浦祠堂碑

秋浦許世英

全集總目



清廷諭旨

前兩廣總督周馥持躬謹慎練達老成由道府洊升監司歷任總督宣力有年克勤厥職茲聞溘逝軫惜殊深著加恩賞給陀羅經被子諡愨愨應得卹典該衙門察例具奏以示篤念盡臣至意欽此





清廷諭賜祭文

朕惟纘承統緒永懷黎獻之遺宏濟艱難益篤宗臣之誼舉世仰  
潞公之耆宿身歷五朝垂老宣方叔之壯猷功高三輔河海資其  
清晏社稷賴以安甯忠勤常昭苾芬聿奠爾原任陸軍部尙書都  
御史兩廣總督周馥由諸生以起家遂從戎而參署樹北洋之偉  
績開濟兩朝振南服之聲威撫綏百越溯同光以來之將帥寥寥若  
晨星憶湘淮已事之勛名儼存碩果乃當國步阽危之際更值元  
相殂謝之年一柱擎天談笑折列強之樽俎百端嘔血綢繆迴  
兩聖之靈輿功並收京繼西平籌策而竟厥事望隆卻敵惟北門  
管鑰是任其勞訖今指顧河山故老當墮羊公之淚在昔服勤疆  
圉遺民爭覩葉令之顏生旣績著旂常歿宜享隆俎豆榮名已錫  
於身後嘉馨特昇於靈前於戲卅年賢蓋尙不忘魏闕之瞻依萬

古忠魂應得遂鈞天之夢寐陳茲警薦庶其歆承

月吉山物之公之二集之

卷之二

清廷御製碑文

朕惟安邦濟世允資柱石之臣應運乘時必賴屏藩之彥聞鼓鼙而思將帥大節常昭緬崧嶽而降甫申休聲丕煥懋官懋賞綸音迭霑於生前尙德尙功榮名宜崇於身後爾原任陸軍部尙書都御史兩廣總督周馥起家儒素甲策頻敷薦歷穹階寅清白矢春秋探索斷獄媲美于公禹貢精研治河無慚賈讓迨夫國步日益艱難幸得賢良長資倚畀干戈倏擾和戎紓魏絳之蓋籌樽俎折衝收京續李晟之偉績由柏薇而躋開府政肅東邦歷蘇皖而蒞海疆風清南服波激上略荷

慈宮藻翰之頒告予引年霑

先帝帡幪之澤方冀百年喬木元老懋遺胡爲萬古雲霄大星遽質不有千秋典冊奚考前徽惟茲兩字褒揚適昭來哲諡曰愨慎

庶表純忠於戲宣勞王室功與日月而爭光眷念世臣名與鼎鐘  
而並壽常新松檟永奠河山

國史本傳

周馥字玉山安徽建德人少值寇亂家貧奉大父母父母竄彭澤山中一日數徙念守此終無全理脫身去時郡邑多陷賊落落無所遇李鴻章募勇東征見馥奇其才令司文牘一日戰青陽鎮俘賊千屬馥誅其抗命者馥戮三十人餘悉遣去鴻章益賢之在幕六年累功晉知府留江蘇連丁家艱同治十年永定河決鴻章督畿輔奏起馥使任河事特旨以道員留直隸迭治天津入海金鐘河北運筐港減河及通州潮白河設文武汛官資防守時天津頻患水馥言天津爲九河故道不洩則水患莫瘳請就上游闢減河而開屯田南運下游分水勢部議格不行厥後提督周盛傳率兵士開興濟減河屯田小站數千頃本馥議也光緒三年署永定河道內艱服除署津海關道朝鮮初通商馥與美提督薛裴爾議草

商約保衛之首稱朝鮮爲中國屬邦固以防侵奪也而樞府削之馥私歎曰分義不著禍始此矣九年兼署天津兵備道俄真除津海關道兼北洋行營翼長鴻章以憂歸張樹聲署直督而朝鮮亂作馥兼天津營務處及中法事起鴻章既還任則益倚任之命赴海口編民船立團防鴻章之督畿輔也先後垂三十年創立海軍自東三省山東諸要塞皆屬焉用西法製造械器輪電路礦萬端並舉尤加意海陸軍學校北洋新政稱盛一時馥贊畫爲多任津海七年醇賢親王校閱海軍嘉其成勞擢按察使任按察又八年中閒一署長蘆鹽運使再署布政使以阻清賦保河工民歌誦之初畿疆旗地多迷失或奏請設局釐正之可益賦馥曰貧民越耕事誠有於國體無傷也奈何爭利以擾民築永定河北岸石隄衛京師蘆溝南減水石壩工尤鉅不撼於浮議自是河不溢甲午中

日開釁任前敵營務處跋涉安東遼陽摩天嶺之間調護諸將收  
集散亡糧以不匱初鴻章迫朝議主戰既喪師遂坐奪職王文韶  
代之仍檄馥總沿海營務和議成乃自免歸居三載鴻章被命治  
河復強起之撰上治河十二條以費絀不果行於是鴻章念其勞  
苦功高久屈司道中抗疏論薦之授四川布政使至則課吏績廣  
銀幣積糧儲慮教案易生釁撰安輯民教示頒郡縣教士大悅乃  
未幾而天津義和拳仇教事起朝議惑之詔各行省集練義民馥  
亟白總督旨真偽未可知且此皆亂民不可縱宜閣朝旨毋遽下  
川境以安而畿輔大亂作矣八國既聯兵內犯兩宮出走授鴻章  
議和大臣總督直隸而馥亦調直隸布政使隨鴻章入都理京畿  
教案數月事稍定始赴保定受布政使印先是法兵至保定戕前  
布政使廷雍遂踞司署及聞馥來列隊郊迎入署久之觀其設施



無聞言乃徐引去兩宮駐蹕西安甫迴鑾而鴻章病篤既薨日猶  
視馥至乃瞑外人咸感動盟約不渝遂護直督兼北洋大臣尋詔  
袁世凱爲總督馥還本任佐之車駕謁東陵馥言喪亂之後民力  
不堪請減車馭費撥庫金疏入報可俄擢山東巡撫加兵部尙書  
銜將之官復詔留議津榆路事時和議雖成外國兵壁天津踞津  
榆鐵道設都統治民政越二年世凱屢爭莫能得至是密言馥嫻  
交涉足可辦此立談之頃津榆俱復至今父老猶樂道之馥撫山  
東值河決利津薄莊議徙民居不塞薄莊俾河流直瀉抵海設沿  
河電局備石工訖十餘年河不爲災德踞膠州灣築鐵道達省治  
因蠶食路測礦山馥奏開濟南周村商埠相箝制德人意沮自撤  
膠濟路兵還五礦馥更事久無所不諳練旣膺疆寄則益欲大有  
爲拓高等師範武備巡警蠶桑外籍諸學校又起醫院設官報凡

所以阜民財瀚民智者次第興舉天子嘉之擢署兩江總督兼南洋大臣汰舊伍練新軍時廷議畫江北別設巡撫奏寢其事移督兩廣拓珠江隄新市政以年逾七十請告歸辛酉九月卒年八十五清帝諡曰愨慎馥爲人清約寡欲義所當爲屢斥萬金不顧自少以至篤老未嘗廢學晚喜讀易及儒先學案著易理匯參負暄閒語詩文集奏議又纂通商約章教務紀略治水述要東征日記海軍章程凡若干卷直隸山東江南士民皆祠祀之并祀本邑鄉賢

SECRET

7

南北洋請建專祠呈

陸海軍將帥蔭昌等

具呈人公府侍從武官長陸軍上將蔭昌前國務總理王士珍直  
魯豫巡閱使直隸督軍曹錕前海軍總司令藍建樞江西督軍陳  
光遠參謀總長張懷芝海軍部次長徐振鵬海軍總司令蔣拯前  
海軍部次長李和陸軍總長鮑貴卿前海軍總長薩鎮冰海軍總  
長李鼎新前海軍總長劉冠雄江蘇督軍齊燮元公府指揮使徐  
邦傑陸軍中將劉恩源將軍府將軍商德全海軍部司長陳恩燾  
海軍造艦主監吳德章海軍造艦主監魏瀚呈爲已故疆吏功在  
國家澤及後世恭懇

俯准於南北洋建立專祠以隆報饗事竊念前兩廣總督周馥參  
佐李文忠軍幕勅立淮軍戡定東南由監司存膺疆寄敷歷十省  
所至政績治河防海察吏愛民百端經營闢縷難數而其經國遠

猷外交信用尤爲卓著者莫如勦辦武備學堂以作育全國陸軍  
人才襄訂海軍章制以樹立全國水師基礎建礮臺築船塢製機  
器槍械造船艦鐵路興學育才整軍經武凡中國自強之本與夫  
今日能以自立之道莫不由周故督與文忠開其端植其基而尤  
注重於陸海軍人才其所以爲百年樹人之計開全國風氣之先  
者厥功甚偉蓋自庚子以後能收拾殘局者在此民國能撐持弗  
替者亦在此似此勳績實爲有功大局累世不朽之業非僅彰治  
行於有清抑且著功效於後禩今日中國之所以能存在且與世  
界列強相抗禮者實爲陸海軍之有人而追原其始莫不由於周  
故督之深謀遠慮苦心孤詣有以致之至若磋商辛丑和約收回  
京津地面議定民教永遠相安章程至今民受其惠國賴以安其  
大有造於邦家者海內亦無與比倫崇德報功古有常典廕昌等

曩預執經之盛咸深飲水之思勳績非止於一時俎豆宜延諸百世謹援有德必報之例用摠祭神如在之誠倘肅廟貌於觀瞻彌永國人之矜式伏懇

俯准於南北洋地方建立周故督專祠以隆報饗謹呈  
大總統

中華民國十年十二月 日



大總統指令第五百十五號

令內務總長高凌霨

呈核議公府侍從武官長蔭昌等呈請於南北洋地方建立清  
故兩廣總督周馥專祠擬請准其集貲自行建置由  
呈悉准如所擬辦理此令

中華民國十一年三月八日



フ

直隸請在天津建立專祠呈

直隸士紳李士鈐等

具呈人直隸士紳李士鈐張權劉若曾史履晉嚴修劉嘉琛高凌  
雯林兆翰華世奎王守恂蔣式瑀馮恕陳秉鑑趙元禮李士鑑李  
士偉華澤沅等謹呈爲已故總督盡心民瘼遺愛在人籲懇

准由士民捐建祠堂以報功德而資觀感事竊鐘鼎旂常國家有  
酬庸之懋典馨香俎豆鄉社存報德之公心前兩廣總督周馥由  
諸生隨從合肥李文忠公勦立淮軍底定南服以功保薦遂涉仕  
途歷任監司久膺疆寄其官直隸也如北洋之立礮臺船塢及機  
器輪船電報等局皆躬親其事與觀厥成籌疆域之防安閭閻之  
業庚子之變以藩司護理直督從容鎮定履績議商釐定民教相  
安章程核減地方擔負賠款堅持大體一秉至公雖今日境異時  
遷而人民感恩戴德其尤大有造於直省者厥惟治河直省河患

累歲相仍周故督自同治十年迄光緒二十年殫精治河不遺餘力最著者修建永定河蘆溝橋減水大石壩經營慘淡保障實多李文忠公離直隸後二十餘年永定下游未有潰決之患者實周故督有以致之澹沈天災奠安民舍此尤闔省人民所傾心頂禮而永矢弗諼者也士鈔等久隸幘幪見聞素確詳采輿論眾說咸孚況當時事之遷流愈念老成之典範在故督瘁心竭力既明其道而不必自計其功在士鈔等飲水思源既感其仁而不能弗隆其祀擬由闔省紳民在天津捐建專祠一所以重祀事懇賜允准指令地方各機關與前清名臣各專祠一體保護著垂祀典用示將來此則士庶同心藉遺巨爲作人之式子孫食德庇先蔭爲傳世之榮也望順輿情俾彰公道謹呈

大總統

中華民國十年十二月 日

中華民國十年十二月 日

十一



山東請在濟南建立專祠呈

山東督軍兼署省長田中玉

呈爲故撫遺愛在民據情轉懇建立專祠恭呈仰祈

鈞鑒事據地方士紳呂海寰張英麟趙爾巽何宗蓮孟繼笙毛承霖丁麟年劉恩駐于宗潼等函稱查已故前山東巡撫周玉山制軍馥行藏勲業海內所欽歷任封圻俱有名迹而前在東撫任內惠愛尤深今者歲厄龍蛇神騎箕尾撫時感事彌思保障之勤崇德報功欲永馨香之薦謹陳其犖犖大者一曰興辦學堂東省風氣開通較晚故撫蒞任首重教育中小學校推廣日多蠶桑農林漸次設立所建省城高等學舍規模尤壯程課尤詳延聘通人教習多士務在變學究爲通方化迂腐爲實用迄今海岱之間英彥輩出講求政法藝能日新月異實由故撫早立之基致臻斯盛其

培養人才也如此一曰勸募路股膠澳既開門庭洞啟汽車內驚  
勢尤駸駸故撫周歷海疆怒焉如搗乃於東隅既失之日爲桑榆  
收效之謀與彼國合訂章程力勸華人附股陽敦睦誼實藉以陰  
挽主權方是時也眾情疑阻咸謂隨人作計無補絲毫迨夫接收  
議起爭辯紛紜仗義執言惟此是賴始知老成謀國別有深衷譬  
猶良醫察脈善奕觀棋方其未形羣相譁笑及觀厥效乃其憬然  
其深識事機也如此一曰勸設商埠我國商埠之設大抵由於各  
國之要求故恆聽命於人爲所牽制從未有中國自倡之而使人  
聽命於我者有之自山東始蓋鐵路所到之處卽商務所萃之處  
亦是形勝必爭之處故撫有鑒於此先發制人特於濟南周村兩  
地自闢商場列隧置市所以杜彼窺伺使之就我範圍其後濟南  
一埠異常發達貨賄流通公私充衍冠帶衣履雜遝麟萃富商大

賈故以并趨爭先稗販備賈毗隸遷徙之徒衣食於茲者尤不可  
勝計昔陶侃在武昌立夷市於郡東大收其利茲之經畫將毋與  
同其建威消萌爲地方興大利如此一曰修治河工東省大吏多  
以河防著稱然往往沾習舊章昧於通變若乃深察形便不主故  
常古法今制互相爲用則以故撫爲最故其功亦較前人爲多利  
津薄莊之決水適由古徒駭河入海奏明不事堵塞以暢尾閘是  
爲因形便遷其土著載之高地較公家隄防之費爲災民廬舍之  
資漢明之詔賈讓之策前史所陳無以過此是爲用古法碎石坦  
坡拋磚成壩兩師其意隨宜而施先事預防不惜勞費沿岸設電  
速於置郵一有險工聞信立至是爲用古法而不廢今制卽以今  
制濟古法之窮遂使千里之內蠲堞宜耕十年以來鯨波息警其  
禦災捍患爲閭閻謀久安又如此至若察吏安良整軍經武綏和



民教保持鑛產旌節所臨百廢俱舉第其功伐堪與丁文誠張勤  
果相伯仲機神幹略殆又過之文誠勤果皆有祠宇崇奉濟上故  
撫歿於易代之後而民功曰庸謳思未已褒忠勸善有國宜先準  
之前典事同一例伏望體察羣情主持公道呈明

大總統准在山東省城建立專祠春秋致祭永媿譙梁之祀式昭  
阮略之勲感荷鴻施實無紀極等語據此查該故前撫經制東邦  
勲績昭著羣情愛戴歷久如新既據紳民籲請在山東地方建立  
專祠以資崇報合無仰懇

恩施俯予照准以順輿情除咨內務部外所有請為故撫周馥建  
立專祠緣由理合恭呈仰懇

大總統鑒核訓示施行謹呈

大總統